

你曳引娑嚩引合賀薩哩嚩引沙鉢囉

合舍摩你曳引娑嚩引合賀引唵四哩合賀

引四引護引吽唵吒娑嚩引賀引唵四哩合

阿去迦哩沙合尾曳引娑嚩合賀引唵阿隸

娑嚩合賀引唵盎誡羅盎誡羅四哩合娑嚩

合賀引唵惹羅波合惹羅波合波野惹羅波

合波野娑嚩合賀引唵引瓔瓔迦哩拏涅哩

合怛也合波野娑嚩合賀引唵引惹敢合惹

敢合惹敢合娑你曳引娑嚩合賀引唵引娑

擔合娑擔合你曳引娑嚩合賀引唵引阿吒

吒引賀引細捫左摩賀引憾賀唵引度曩度曩

部嚕唵合善敢合惹野護僧僧僧賀囉護

引摩哩那合摩哩那合部嚕唵合部嚕唵合

部嚕唵合四哩合部嚕唵合銀吽怛吒怛吒

賀囉賀囉唵尾囉尾囉法法引四法引四

輪引沙野扇引底扇引底布瑟致合布瑟致

合馱哩合底馱哩合底必哩合拏野必哩合

拏野必哩合底必哩合底悉體合囉悉體合

囉賀四引護引吽赦娑嚩引合賀引

此陀羅尼令如來族降伏三界護持佛法作大吉祥

大金剛香陀羅尼經

佛說護國尊者所問大乘經卷第一

西天譯經三藏朝散大夫試鴻臚卿傳法大師臣 施護奉 詔第譯

如是我聞一時佛在王舍城鷲峯山中與大

苾芻衆千二百五十人俱復有菩薩摩訶薩

衆五千人俱得大忍辱無礙辯才降伏魔怨

制諸外道發大道心得三摩地摠持自在具

四無礙智通達四攝及最上甚深波羅蜜多

乃至一切佛法無量無邊諸善功德其名曰

普賢菩薩普眼菩薩普觀菩薩普光菩薩普

照菩薩上意菩薩增意菩薩無邊意菩薩廣

意菩薩無盡意菩薩持地菩薩卅上菩薩勝

意菩薩最上意菩薩摠持自在王菩薩文殊

師利菩薩摩訶薩等復有賢護菩薩摩訶薩

等十六人俱復有娑婆世界主大梵天王及

帝釋天主護卅四大天王復有蘇尸彌天子

安意天子及諸天王龍王緊那囉王嚩駄哩
縛王藥叉王誡嚕拏王等各與若干百千眷
屬俱來會坐

爾時世尊坐於吉祥藏師子之座四眾圍遶
逾於須彌光明熾盛譬如日月普照一切世
間威儀具足梵行寂靜譬如帝釋於諸天中

威儀最勝亦如輪王七寶具足離諸怖畏如
師子王善能談說諸法空義如大火聚破諸
幽暗如摩尼寶王遠照一切如是佛光照於
三千大千一切世界於其光中出妙梵音告
諸眾生意今所得一切諸法最上波羅蜜說
真實義初善中善後善文義殊勝純白圓滿

梵行清淨純一無雜

爾時喜王菩薩摩訶薩在大眾中安詳而坐
瞻仰世尊於師子座放大光明譬如千日照
耀一切心大歡喜深信恭敬即從座起合掌
向佛以頌讚曰

佛身晃曜如金山 利益世間甚希有

冠十

五

菩薩聲聞圓覺僧 天龍八部皆圍遶
譬如須彌諸天居 出於大海而高顯
悲愍眾生而現身 放百千光常照曜
行梵天行即梵天 於彼梵天復為王
行禪解脫三摩地 光照上位諸菩薩
亦如帝釋為天主 威德儀容諸相異

牟尼光明照世間 相好莊嚴功德異
金輪四洲得自在 能善調伏諸有情
引彼眾生出苦輪 我佛慈悲亦如是
所有火光摩尼光 日月光等諸光明
如是百千日等光 不及佛日恒照曜
如月夜分放光明 普照世間悉清淨

佛面端嚴如滿月 映蔽一切光不現
譬如高山然大火 能破夜暗顯諸方
大僊所有智慧光 破盡黑暗離諸有
如大師子曠野吼 眾獸聞之悉驚怖
佛說法空無我義 諸魔聞之亦如是
摩尼寶王放光明 諸餘摩尼光不現

佛身晃曜真金色 映蔽一切世間光
 一切世間賢聖中 無有最上與佛等
 具福精進方便智 一切功德不可量
 瞻仰大師功德海 威光普照諸羣生
 一心恭敬慕尊顏 是故我今頭面禮
 我所讚佛歸敬心 世間功德無等等

盡將迴向法界中 一切世間成佛道

爾時喜王菩薩摩訶薩讚歎佛已合掌向佛
 瞻仰尊顏目不暫捨心觀法界其義甚深難
 知難見離言分別絕諸戲論微妙難解不可
 思議如是觀想一切法界唯佛如來觀智攝
 授現量證知佛之境界無有等等如是觀見
 所有如來不可思議方便境界皆攝一相法
 界性中譬如虛空無有住處即衆生界亦如
 自性一切諸法亦復如是無礙解脫究竟寂
 靜諸佛世尊以善方便身變佛刹徧滿一切
 現衆生前諸如來身經無數俱胝劫而不可
 得時喜王菩薩摩訶薩如是觀佛功德已默

死十

大

然而住
 爾時有一尊者名曰護國於舍衛大城安居
 三月過是夏已著衣持鉢與諸苾芻及初出
 家者初發心者出舍衛國詣王舍城鷲峯山
 中到彼山已即時護國尊者往詣佛所頭面
 禮足右遶三匝住立一面合掌恭敬而說此

頌讚歎佛曰

稽首最上佛光明	稽首如空無礙意
稽首能斷諸結縛	稽首永超三有海
我佛無邊真色相	普徧俱胝刹土中
菩薩聞已歡喜來	恭敬供養佛功德
作此最上供養已	德牟尼法離諸塵
各生歡喜還本土	稱讚世尊所說法
廣歷俱胝無數劫	利樂一切諸有情
如是身心不疲倦	為求無上佛菩提
恒行布施持戒行	忍辱精進禪定門
智慧方便到涅槃	是故我禮大覺尊
成就六通四禪足	諸根十力解脫門

以此行及諸衆生
能知一切世間心
所有身口及言說
貪癡過失不能斷
因佛得成善逝業
所有過去諸佛事

冠十

乃至未來功德海
清淨刹土衆圍遶
乃至諸佛壽較量
所有一切生滅法
所有受持法藏法
佛有十力無礙智

如是一切方便法
大覺世尊無等等
如夜衆星現空中
色相端嚴無與等
帝釋梵王究竟天
無垢不動如金山

我今禮佛無等智
所行所作所成業
無上世尊悉觀見
衆生因彼墮三有
能知世間諸善惡
及彼現在天人師

七

一切諸法悉能知
菩薩緣覺與聲聞
我佛一切悉能知
所有供養作佛事
我佛一切悉能知
現在常住於三世

我禮世尊智慧海
相好莊嚴大吉祥
我禮牟尼最上尊
光照諸天及世間
對彼佛前俱不現
右旋螺髻紺滋潤

佛頂高顯如金山
光徧俱胝那由他
目若青蓮恒適悅
清淨滿月虛空中
一切見者無馱足
行如鵝王及鹿王

震動大地無暫止
手指纖長網縵相
平立垂手過於膝
佛行大地現好相
足放光明照羣生
大聖法王施七財

調御世間依法行
慈悲法念心為劍
能斷煩惱諸羣賊
自利果滿復利他
究竟安樂出塵勞
無生無滅無諸苦

光明遠照生諸福
顯現眉間白毫相
觀照世間運慈心
佛面圓明亦如是
我禮如來圓滿相
亦如牛王行步穩

我禮如來堅固力
指甲清淨如赤銅
我禮金色大覺尊
具足顯現千輻輪
蒙光悉得生天界
能為施主心平等

我禮法王無上覺
持戒方便智慧弓
生滅輪迴無有增
令彼衆生亦解脫
得入善逝寂靜宗
亦無生老愛別離

如是無為最上乘 佛為眾生慈愍說

我讚最上大牟尼 攝盡一切諸佛法

如是所有諸功德 願諸眾生證菩提

爾時尊者護國頌讚佛已偏袒右肩右膝著

地合掌向佛恭敬頂禮白佛言世尊如來應

正等覺我有所問惟願世尊慈悲聽許

冠十

八

爾時世尊告尊者護國言如汝所問我為汝

說滿所求願令生歡喜時尊者護國聞佛語

已身心適悅而發聲言世尊有何等法為菩

薩行法具足能得一切最上功德無礙大智

決定辯才明了性相入一切智教化眾生斷

彼無明妄想煩惱決定真實入一切智發真

實語令彼有情依言所作離諸愚暗念佛方

便樂聞一切甚深梵義受持諸法速得證於

無上正智

爾時尊者護國即於佛前而說頌曰

菩薩所行決定行 彼行必有真實法

真法從佛智海生 最上如來為我說

佛身光明黃金相 最上無邊大福聚

救度六趣諸眾生 為說菩薩無垢行

何得無盡大覺智 摠持甘露生菩提

何得清淨智慧海 彼慧能斷眾生疑

俱脫多劫輪迴苦 眾生迷沒意無疲

觀此愚迷苦惱侵 為彼云何修十善

刹土清淨眾會滿 寶刹無邊壽命長

為眾恒宣微妙言 願說菩提無垢行

降伏邪魔生正見 枯彼愛河證解脫

清淨法眼照愚盲 令諸有情行上行

端嚴富貴大辯才 言辭柔軟聞歡喜

譬如甘露潤世間 願說甚深微妙法

冠十

九

梵音深妙斷諸惡 其聲和雅如頻伽

求法之眾佛所集 願說甘露濟羣生

眾有菩提最上根 及彼聲聞緣覺性

願佛隨根方便說 師資遇會正是時

我今樂聞最上乘 唯佛知我菩提性

於此小乘不樂求 願說如來第一法

爾時尊者護國說此頌已佛言善哉善哉尊者能問如來最上之義利益多人令得安樂攝受未來諸菩薩摩訶薩汝今諦聽善思念之我當為說時尊者護國白言善哉世尊我今樂聽惟願說之

爾時世尊告尊者護國言有四種法具足清淨是名菩薩摩訶薩何等四法一內二外三心四意如是四法稱理真實見諸眾生其心平等猶若虛空無所分別依言所行是名菩薩摩訶薩四種之法獲得清淨

爾時世尊重說頌曰
心意內外常清淨 不退菩提正道心

所作之善無唐捐 能得菩薩無邊智
觀彼眾生苦無我 生老病死悉來侵
如是有三大海中 廣運法船救羣品
見諸眾生心平等 觀彼世間如一子
願令一切俱解脫 悉向菩提心不退
常談空義依空行 亦無人我無眾生

譬如夢幻等無實 今彼愚迷生智慧
如所宣說大覺智 依智而行所作事
調伏過失心寂靜 求證菩提為佛子

爾時世尊說此頌已告尊者護國言復有四種法於諸菩薩令心安慰何等四法一者於摠持法門志求修學二者常近善友威儀無缺三者求證甚深無生法忍四者精進修行持戒清淨如是四法令彼菩薩安慰其心進修不退復說頌曰

若人愛敬摠持法 名聞遠響眾所歸
能持無上妙法門 一切如來同所說
智慧增明無忘失 如是速得無礙智
通達一切最上法 成就無為解脫門
皆因善友證菩提 出生七覺能修斷
增長八正作佛事 遠離惡友如怖火
聞甚深法證無生 能了諸法畢竟空
無我無人無眾生 如是永離一切見
律儀出生諸善本 堅持守護離破犯

彼行能成寂靜心 佛為衆生親演說

爾時世尊說此頌已告尊者護國言復有四種法於諸菩薩在輪迴中令心愛樂何等四法一者令諸菩薩愛樂見佛二者令諸菩薩愛樂說法三者令諸菩薩愛樂忍印無相深法如是有四者令諸菩薩愛樂忍印無相深法如是

四法於諸菩薩在輪迴中深生愛樂復說頌曰

菩薩得見二足尊 一切生中行正行
能善調伏諸世間 光明普照除愚暗
如是供養人中尊 深生愛樂常尊重
救度一切諸衆生 令入菩提無上道
若聞諸佛所說法 身心寂靜生愛樂

如是堅固心無退 依行速證佛菩提
能捨一切心無恹 見來求者生歡喜
國城妻子及身命 給施衆生作佛因
若聞無相甚深法 性離分別本來空
無我無人無衆生 如是於斯生愛樂

爾時世尊說此頌已告尊者護國言復有四

冠十

十一

種法於諸菩薩不得愛樂何等四法一者於其在家不得愛樂二者既出家已不得愛樂利養三者不得愛樂上族中生四者不得愛樂小乘之人如是四法於諸菩薩不得愛樂復說頌曰

在家無邊大過失 捨離令心無所著

常樂山野寂諸根 勇猛勤修大智德
獨行清淨如利劍 能斷愚癡諸垢染
於彼種種大利養 常樂遠離無愛著
棄捨高貴上種族 觀如幻化陽燄等
普為群生行布施 持戒忍辱等諸行
不惜身命及眷屬 志求正覺到彼岸

於小乘法無所著 於最上乘恒堅固
乃至割截於身體 其心不壞如金剛
爾時世尊說此頌已告尊者護國言復有四種法於諸菩薩而有損減何等四法一者破犯戒律二者不住山野而趣寂靜三者不依四乘之教邪妄推求四者雖樂多聞全無所

得如是四法於諸菩薩而有損減復說頌曰

戒相清淨如摩尼 能引衆生到彼岸

菩薩於斯破律儀 迷沒不成無上覺

住持山野寂靜處 我人分別自然除

男女眷屬及己身 觀如草木無情愛

四乘教理無虛誑 一心清淨奉教行

必得具足衆功德 成就佛智大丈夫

觀彼輪迴諸有情 常處生死憂悲苦

恒運最上妙法船 度彼有情出苦海

若無救度彼衆生 迷沒沉輪無有盡

是故小乘非究竟 爲生令發菩提心

爾時世尊說此頌已告尊者護國言復有四

種法於諸菩薩明了修習何等四法一者發

生諸佛平等之心而求善逝二者承事法師

尊重供養於卧具等而不愛著三者不貪利

養亦無所求四者於甚深法忍具足成就如

是四法明了修習復說頌曰

彼有善逝大丈夫 天上人間無有等

冠十

十二

平等導引諸羣生 如是修習行十善

尊重承事於法師 依師教授而修學

作大供養求佛智 無邊諸佛亦此生

常住深山無所畏 於斯利養不生貪

善能成就無礙智 通達深法離諸塵

聞佛功德深歡喜 如是行法堅固修

證彼寂靜無生忍 廣度衆生無量苦

爾時世尊說此頌已告尊者護國言復有四

種法於諸菩薩行法清淨何等四法一者身

心決定志求菩提行法清淨二者離諸虛妄

樂住深山行法清淨三者一切能捨不求果

報行法清淨四者常隨法師晝夜求法行法

清淨如是四法於諸菩薩行法清淨

復說頌曰

貪瞋癡垢心皆盡 懈怠虛妄亦復無

一切過失令不生 決定求證菩提道

厭離本舍憂根斷 捨彼俗塵求出家

諸惡朋友不相逢 行住深山趣解脫

於彼山中修淨行 能成如來無礙智
 於身命財無所著 自在無畏如師子
 見彼有情生歡喜 譬如飛鳥聚還離
 觀彼世間非久居 如是求大菩提道
 身心清淨如虛空 所捨一切無驚怖
 於彼利養無愛著 如塵心驚不住地

冠十

十三

世間恒處大嶮難 難發身心求解脫
 觀此虛妄無真實 是故我行寂靜行
 恒以軟語誘羣生 怨親平等無分別
 無著無住亦如風 是求菩薩最上行
 無相解脫空無願 了彼有為如幻化
 常行清淨廣大心 飲甘露味常歡喜
 志求道法依師學 彼人五蘊恒清淨
 衆苦逼迫無疲勞 如是證入捨持門
 解此所修菩薩行 成就所求令彼喜
 若人不求於菩提 彼即少智百生失
 爾時世尊說此頌已告尊者護國言復有四
 種法於諸菩薩而為難法何等四法一者心

不尊重多行輕慢二者心無孝行懈怠背逆
 三者心貪利養少於知足四者心樂虛妄邪
 求財利如是四法為菩薩難法復說頌曰
 佛法本師及父母 全無信重多輕慢
 不行孝敬心懈怠 常以愚癡行散亂
 一向貪心於利養 復行虛妄為邪利

自讚德業誣他人 我能持戒及修行
 互相鬪諍無慈愍 覆藏已過見他非
 復行農業及經營 如是沙門無功德
 末法之時人散亂 鬪諍相殺心嫉妬
 沙門隱滅如來法 諸善苾芻皆遠離
 菩提妙道永不逢 五趣輪迴無有窮
 爾時世尊說此頌已告尊者護國言復有四
 種法於諸菩薩宜應遠離何等四法一者懈
 怠二者不信三者嫉妬四者憎見他人如是
 四法宜應遠離復說頌曰
 無信懈怠心思迷 心懷嫉妬常瞋恚
 見有沙門持忍辱 却行驅擯出伽藍

於彼世間貴賤人 都無分別善惡事
一向只行於是非 如是過失從瞋得
遠離佛法諸功德 墮入惡趣大火坑
如是所行惡趣行 不依教法獲斯苦
是故常行善提道 無令淪沒惡趣生
利益有情大金僊 冠十 多劫俱胝方出世

今時暫得遇牟尼 速捨諸過求解脫

爾時世尊說此頌已告尊者護國言有四種
法於諸菩薩不應行何等四法一者惡友補
特伽羅不應行二者有見補特伽羅不應行
三者捨一切善法補特伽羅不應行四者樂
著財利補特伽羅不應行如是四種補特伽

羅不應行復說頌曰

若人遠離諸惡友 常得善友來親近
如夜圓月現當空 除暗明顯善提道
凡有所見常不斷 於已身命偏養育
如是毒氣能遠離 彼人成佛大智慧
若捨最上微妙法 不樂寂靜甘露味

如是名為不淨器 遠離求證大菩提
貪求財利衣鉢等 復與在家同營事
如是遠離此火坑 而能成就最上道
常樂降伏諸魔怨 恒轉法輪度羣品
如是廣作大利益 常逢善友得菩提
親疎毀讚常平等 利養嫉妬亦復然

如是無上諸佛智 彼人不久悉成就

爾時世尊說此頌已告尊者護國言復有四
種法於諸菩薩為苦報法何等四法一者輕
慢教法二者執著我人三者心無信解四者
於不淨境具足印持如是四法為菩薩苦報
法復說頌曰

十五

若有受持微妙法 堪受世間諸供養
於彼輕慢無大智 當受無邊眾惡苦
於佛本師及父母 常懷人我不恭敬
如是大福心不求 當得不淨無知處
三寶最上良福田 而無信解行歸敬
純以虛誑味世間 如是當獲罪惡苦

女人即是惡趣門 流浪生死無窮盡

無智愚癡作彼業 永沉地獄及畜趣

若人尊重向諸佛 能滅衆苦得無畏

復閉一切惡趣門 開引衆生得佛道

佛說護國尊者所問大乘經卷第一 冠十

見胡廣反映蔽上於敬反大僊下仙字較量上孝反

穩鳥本反網縵下莫官反唐捐下音緣法船下如川反誘音酉

誣音無驅擯上必下反

佛說護國尊者所問大乘經卷第二 冠

西天譯經藏經卷末夫試鴻臚卿傳法大師臣 施護奉 齋譯

爾時世尊告尊者護國言有四種法於諸菩薩而為縛法何等四法一者輕慢他人二者於世間事方便趣求三者散亂用心如行嶮難四者於其眷屬一心貪著如是四法為善

薩縛復說頌曰

若行輕慢於他人 方便唯求世間事

散亂如行嶮道中 如象陷身深泥裏

於自眷屬生愛著 常懷貪戀如迷醉

如是種種被纏縛 增長愚癡覆大智

若人怖苦厭生死 求出沉輪趣解脫

捨於輕慢世間等 是名菩薩所行道

滅盡無邊諸苦已 及彼煩惱諸眷屬

究竟安樂無所求 圓滿菩提寂靜道

所行六種波羅蜜 三身五智十力等

一切功德悉具足 如是求離無邊苦

過去修行無量劫 為衆生故求菩提

一切衆善悉皆修 遠離諸惡眷屬等

恒樂深山寂靜處 遠離聲色想真空

如是精進不間修 獲大丈夫圓滿慧

見彼世間衆生行 五趣輪迴無有窮

我於過去發慈心 捨自身命及妻子

國城大地及珍寶 如是求佛無數劫